

FLOREAN DAL PALAZZ

— Al salte fur la Joibe —

(in fin ch' al varà fiat)

Ogni doi numars 5 centesins l'un — bez subit

Si vendin là vie da l'Edicole e là dai Tabachins in Marciavien, in piazza Contarene e in Borg di S. Bartolomeo

REDAZION: su la fontane di piazze Contarene — AMINISTRAZION: su la fersade de Vigne

Par altri Florean al si lassará ciata, quand che covente, in Stamparie Jacob e Colmegne.

Florean in Tribunal.

Robis di chell altri mond, che il fole mi trai!
O soi lât in Tribunal par sinti un dibatiment di chei che si giayin fur da l'ordenari e on d'hai sintudis di dugg i colors! Cumò si che o sai che la mior justizie e jè che di Ciampeî, parcè che se un puar diaul al robe qualchi ciosse di nuje dugg e sberlin: dai al lari, a che canae, dai, dai che al vadi dentri chell birbant! E ju a fulminalu cui che po plui.

Quand po che si trate di une velade, mieze o interie, alore si usin i riguards. Alore si dîis: puar zovin, se peçiat, cui sa mo se al è colpevul, parcè mo metilu in preson, puar mostro, cumò al è un zovin ravinat par simpri, prime di acusa un bisugne viodi ben, no si scherze mingo no cu l'onor, diambar e jè une porcade di arestà un tal zovin, e vie e vie che no la finissin plui cui piangisteos a favor dal zovin dal qual si fevele.

Si sa po, l'onor di un puar noi è come chell di un sior. Jo no dîis che chell zovin che al è stat al dibatiment lunis al foss colpevul, tant plui che al è stat assolt dal Tribunal. Anzi al mi faseve dul a viodilu sul banc dai acusaz, massime sott chell titul infamant, ma o dîis nome che la societât e dovaress jessi juste e vè che istesse compassion che ha par un che al è in velade come par chell che al è in giachete o ance in manis di ciamese.

A chell sior ciapitani in Teatro Minerve i cole il puartesfueis che al va sott la poltrone. Il biond todesch al dîis che al ha vidut il zovin viazator a tirassi in ca cui plis il puartesfueis e che i pareve che sott il capot dopo, che sal veve mitut sui zenoi, lu aless ciapat su. Il biond todesch al ha visat l'inservient dal teatro di cheste pau-

tumine, e l'inservient al ha visat il ciapitani, il qual del rest al ha cialat tal capot, al si è persuadut che i mance il puartesfueis e nol si ha nance scomponut come che foss la ciosse plui natural dal mond.

Jo, se mi foss tociade a mi la baruchele, o cred che subit o vareass cialat in tiare par viodi se al jere il puartesfueis, ma si capis che al ciapitani no impuartave nance une pipe di tabach di velu piardut e l'inservient al è restat lì come une statue. Si par die che and'è di bielis in chest mond!

Dunce, stand a chell che al dîis il biond todesch, il zovin viazator al si è inacuart di vè fatt fiasco, e al ha tornat a butà il puartesfueis dulà che al jere prime e dulà che lu ha ciapat su il ciapitani. Ma intant il biond todesch al veve visat il major dai carabinieri che al jere in teatro, al veve visat altris che jerin sintas viodi di lui e mi par che lui al ha fatt dovè di bon citadin di no lassà che il ciapitani al si rangias sol a ricuperà ce che al veve piardut.

I testimoni no han podut nè confermà nè neà ce che al ha dît il biond todesch, e il Tribunal al ha assolt il viazator. Jo no fas che une osservazion. Parcè mo quanche il zovin viazator al ha vidut un puartesfueis partiare, no lu hal ciapat su e visat cui che lu veve piardut opur consegnat a qualchidun de autoritat pulitiche che al è simpri in teatro?

Parcè no hal fat chell che al vareass fat qualunque? Jo no sai dà une rispuete. O hai gust che il Tribunal lu vevi assolt, ma che al tegni amens chell che i ha dît il President dopo finit il dibatiment. Al sarà mior par lui che al è zovin e che al ha di fassî un avignî brillant!

FLOREAN DAL PALAZZ

— Al salte fur la Joibe —

(in fin ch' al varà fiat)

Ogni doi numars 5 centesins l'un — bez subit

Si vendin là vie da l'Edicole e là dai Tabachins in Marciavien, in piazza Contarene e in Borg di S. Bartolomeo

REDAZION: su la fontane di piazze Contarene — AMINISTRAZION: su la fersade de Vigne

Par altri Florean al si lassará ciata, quand che covente, in Stamparie Jacob e Colmegne.

Florean in Tribunal.

Robis di chell altri mond, che il fole mi trai!
O soi lât in Tribunal par sinti un dibatiment di chei che si giayin fur da l'ordenari e on d'hai sintudis di dugg i colors! Cumò si che o sai che la mior justizie e jè che di Ciampeî, parcè che se un puar diaul al robe qualchi ciosse di nuje dugg e sberlin: dai al lari, a che canae, dai, dai che al vadi dentri chell birbant! E ju a fulminalu cui che po plui.

Quand po che si trate di une velade, mieze o interie, alore si usin i riguards. Alore si dîs: puar zovin, se peçiat, cui sa mo se al è colpevul, parcè mo metilu in preson, puar mostro, cumò al è un zovin ravinat par simpri, prime di acusa un bisugne viodi ben, no si scherze mingo no cu l'onor, diambar e jè une porcade di arestà un tal zovin, e vie e vie che no la finissin plui cui piangisteos a favor dal zovin dal qual si fevele.

Si sa po, l'onor di un puar nol è come chell di un sior. Jo no dîs che chell zovin che al è stat al dibatiment lunis al foss colpevul, tant plui che al è stat assolt dal Tribunal. Anzit al mi faseve dul a viodilu sul banc dai acusaz, massime sott chell titul infamant, ma o dîs nome che la societât e dovaress jessi juste e vè che istesse compassion che ha par un che al è in velade come par chell che al è in giachete o ance in manîs di ciamese.

A chell sior ciapitani in Teatro Minerve i cole il puartesfueis che al va sott la poltrone. Il biond todesch al dîs che al ha vidut il zovin viazator a tirassi in ca cui plis il puartesfueis e che i pareve che sott il capot dopo, che sal veve mitut sui zenoi, lu aless ciapat su. Il biond todesch al ha visat l'inservient dal teatro di cheste paur-

tumine, e l'inservient al ha visat il ciapitani, il qual del rest al ha cialat tal capot, al si è persuadut che i mance il puartesfueis e nol si ha nance scomponut come che foss la ciosse plui natural dal mond.

Jo, se mi foss tociade a mi la baruchele, o cred che subit o vareass cialat in tiare par viodi se al jere il puartesfueis, ma si capis che al ciapitani no impuartave nance une pipe di tabach di velu piardut e l'inservient al è restat lì come une statue. Si par die che and'è di bielis in chest mond!

Dunce, stand a chell che al dîs il biond todesch, il zovin viazator al si è inaquart di vè fatt fiasco, e al ha tornat a butà il puartesfueis dulà che al jere prime e dulà che lu ha ciapat su il ciapitani. Ma intant il biond todesch al veve visat il major dai carabinieri che al jere in teatro, al veve visat altris che jerin sintas viodi di lui e mi par che lui al ha fatt dovè di bon citadin di no lassà che il ciapitani al si rangias sol a ricuperà ce che al veve piardut.

I testimoni no han podut nè confermà nè neà ce che al ha dît il biond todesch, e il Tribunal al ha assolt il viazator. Jo no fas che une osservazion. Parcè mo quanche il zovin viazator al ha vidut un puartesfueis partiare, no lu hal ciapat su e visat cui che lu veve piardut opur consegnat a qualchidun de autoritat pulitiche che al è simpri in teatro?

Parcè no hal fat chell che al vareass fat qualunque? Jo no sai dà une rispueste. O hai gust che il Tribunal lu vevi assolt, ma che al tegni amens chell che i ha dît il President dopo finit il dibatiment. Al sarà mior par lui che al è zovin e che al ha di fassî un avignî brillant!

— Baste, baste Zuan o devi là a pajà la int che mi spiete.

— Ben o ti saludi mestri Tite.

Corispondenze di Florean.

Cividat, ai 20 di novembar

Al è un tal predi che nol po dassi la pas parcò che tal so pais non han olut velu plui Conseir. Diambar! I displas di vè piardut il puest di Assessors che i steve tant ben e cumò, al zighe, al sberle come un danat che i siei eletors e han fat une injustizie a lassalu fur. E po dopo e son lis costruzioni des stradis cumò e lui s'intind unmont di lavors e al ha passion di jentrai par da bon. No impuarte se dopo e nassin questions o causis.

Ance tes astis al si ciatave abastanze ben, ma cumò la cucagne e jè finide, tant plui che nance so pari nol ul savent e no i ha dat nance il so vot tes elezioms.

Figuriti, dunce, ciar Florean e ce qualitat di babio che al devi jessi chell predi!

★

San Denel, ai 20 di novembar.

Sabide di matine chei che jerin jevàs a buinore e han ciatat sul balcon dal atrio d'ingress dal local de Preture une ciarte a stampe cu la sore scritte:

« In te Cause R..... S..... l'antoritat giudiziarie
 « in dute cheste robarie, in cheste introduzion di
 « fals testimonis. in chest fals in documens pu-
 « blics che indubiammenti al devi existi nuje ha
 « ce viodi, nuje che conturbi la so serene co-
 « scienza, nuje che domandi il so energig apog-
 « gio, nuje.....

« In une societad di assassins legalizzas il lari
 « al passe par ingenuo, si deplore anzi che nol
 « vevi savut di plui robà.

« E cheste e jé la societad oneste borghes,
 « nela qual o vivin, e cheste la moralitat, l'o-
 « nestat e la giustizie, salvaguardade da tang
 « carabinieri e questurins, da milions di bajonetis
 « che costin tang bez giavas fur alla puare int
 « che impreche e maledis, ma inebedide de fan, a
 « paje e sufris. »

O crod di mandati tradote lotalmentri par che la puedin lei ance chei che jevin plui tard.

La storie che ha originat cheste robe, daur chei che disin te la mandarai descritte par joibe, e sott il titul: gnuf mud di tornà la robe imprestate e cussì il publich al podarà fa i siei comens.

Da la zae di Florean.

Oleso crodile? E jè gruesses ma pur tropp e jè vere!

Saveso dula che han mitut il modell de statue di Vitorio dal scultor Cripe? Sott une s-ciale! Sissignor sott une s-ciale, e cui che nol ul crodi che al vadi a viodi.

* * *

O soi stat al ufizi de predial e o hai ciatat une sdrume di contadins che zemevin e valvin e preavin par che vessin un pocc di pazienze e umanitat.

Nuje! O pajà o che puartin vie ce che han Folc mi trai che seben che o soi di clap mi ha fatt dul a viodi dute che puare int in chell stat.

Par nuje nol ha dit che buine anime di Meter-nich: *Sarete poveri, ma ben governati!*

Eh, nol è nuje se di: e sin puars e ance ben governas! Po si, si!

* * *

O ricev e o publichi:

O uei informati d' une robe che po succedi nome che a Udin, e in nissun pais dal mond altri! La Direzion de scuole « Arti e mestieri » che dà la sere lezioms di dissen, di aritmetiche ecc. ecc. ai frus dai operajos, jarsere, di circhè settante che son i scuclars, and'ha paras vie plui di quarante in une sole volte. Cheste deliberazion e jè stàde ciote par dugg chei che han vut manco di cinq pons, cioè dugg chei dai cinq pons in jù. Bisugne pensà po che chesg tai e son dugg (o squasi) che al è prin an che vadin a cheste scuole e al sarà apene un mes che son insoris. Tu puedis nome crodi cun ce displasè, (no tant pai frus) ma pai siei genitors a vedeju mandas vie.

Veramentri uelino veju mo dugg Professors la dentri? E par une fiabe, ma e jè vere!

* * *

Il Plevan di S. Nicolò al varess dovut concori al'Espusizion sieur di ciapà il prin premi. Al ha dutis lis buinis qualitas, ance che di jessi collaborator onorari dal Florean. Us parial nuje? A mi mi par che al bastares par ciapà la medae d'aur.

Sintit cheste. E van a batia. E presentin il bambòs. Ce nom veso di meti, al domande il Plevan. Rose, e rispuindin. Isal mas-cio o mas-cio? al repliche il Plevan.

* * *

Une vedue con tre fruss e domande un sus-sidi a la Congregazion di Caritat. No stait a sperà nuje i diis l'impiegat, paròe che se us ciatin a clase il jett us declarin che no ves bi-agne.

Alore, par podè vè qualchi ciosse de Congre-gazion si scugne fa come Barabin e Bondanze che van a durmì tes stalis e su pai lenii. Oh ce caritat cristiane!

* *

Ir di matine e jerin in glesie a Sant Jacun doi fruss pitinins a sinti la messe.

Al ven il moment che il predi al bev tal calis, come che saves. Ce che al bev! al diis un frut. E chell altri: e jè aghedivite sastu, paròe che è jè matine. Ma chestis peraulis no lis han mi-go no ditis fra di lor. Si po! tant afuart che dugg chei che jerin in glesie e han sintut.

* *

Cheste e jè nassude a Ville di Varm e us e vend come che la hai comprade.

In te glesie e vevin un San Luigi, ma al pa-reve che al foss masse pizzul. Par consequenze si ordene un altri San Luigi, e une bieie zornade al capite glorios e trionfant.

Cenonè ai contadins i par che al sedi masse grand chell puar San Luigi, e scomenzin a sberlà che no lu uelin paròe che in glesie al intrighe masse e che uelin parà vie il Capelan che lu ha ordenat.

Il fatt sta che han vindut il San Luigi grand e han parat vie il Capelan. E po e dirès che uè sin tal secul dal progress!

* *

O ricev e o publichi:

Spasizand domenje par Marciavieri des quatri es cinq dopo miezz spietand la publicazion dai numars de Tombule o m'incontrai in une comi-tive di zovenez, che vevin fra lor un discors a-nimat, e dugg cialave sott i puartis dal Caffè Gnuf. O stei in scolte e un al fevelà cussì: Vio-diso mo, che il negozi di sior Pieri Barber al è ancemò viart; no ise forsi une porcade? E un altri al respuindè: Eh benedet Gigiut no' tu sas che al ha idee chell sior la di tignilu spalancat fin a tarde ore, e di fa de fieste une zornade qualunque di disdivore. E jè vere che jè libertat di... comercio, ma pur pur mi par che sei pro-priit une mode curiose che li.

Jacumin che al si ciatave par combinazion in chell tropp, lui che al è Bete de lenghe sclete al fase ch'est rasonament. Eco un forest che al vorèss vignì a meti su une gnove lez a Udin, al vorèss in ch'est mud meti su chell sisteme di scourtai la ciadene a chei puars zovins di buteghe, che abbastanze a curt e son peàs. Par altri i negozians di Udin e han abastanze bon sens par no imparà di ch'est che al vorèss cioli ai siei zo-vins ches pocis oris di libertat che han la fieste.

Essind anee forest al dovaress sta al costum che al regule dugg i negozians di Udin, cioè di stà a chell che dugg i comercians e fasin, e cussì nol si inimicares nissun. Brao Barbe Jacum, e respuindè in coro la compagne, tu tu fevelis benon, il to rasonament a le degn di te.

Sodisfat anee jò di chestis riflessions, continuai la me strade, non senze vè fat proponiment di comunicates a ti Florean par che tu fasis une publicitat a favor dai puars zovins di buteghe.

* *

Joibe vot o publicarai: Storie de uere dal 1886 in Prussie, scrite in furlan da un udines che al fo soldat sott l'Austrie. O publicarai anee une poesie furlane interessantissime.

* *

O devi tornà a sberlà cuintri che brute usanze di cumò che la fieste in piazze dal Fisch e vevi di jessi che brute espusizion di zavatis. Sono sords in Municipi?

* *

E ce nas hano di no sinti la spuzze di che cantine in te contrade Cortazis dula che son ches bielis robis da lis quals o hai fevelat Joibe stade?

Pueste di Florean

Sior G. R. Triest. Quand che mi mandarà i doi florins dal abonament jo i mandarai il sfuei. I pajamens e devin jessi fass anticipas.

Sior A. H. Gurizze. Cussì i diis anee a lui.

GUIDO ANTONIOLI, gerent responsabil.

Entri l'an e sarà pronte anee la

Strene di Florean

No ocor nance di che la Strene e sarà il *non plus ultra* dal genar.

E vignarà vindude par soi *cinquante centesims*, e sarà regalade

AI ABONAS DI FLOREAN

Cui che al ul abonasi ch'al mandi *quatri francs* par un an e doi par sis mes.

Udin, Stamparie Jacob e Coimegae.